

## Ljetna škola na Tehničkom univerzitetu u Drezdenu (TUD)

U periodu od 8.4.2024. godine do 12.4.2024. godine organizovana je Ljetna škola za akademsko osoblje i studente koji dolaze sa visokoškolskih institucija koje su partneri u realizaciji projekta COWEB (Promoting and Facilitating Collaborative Virtual International Learning in the Western Balkans Higher Education Institutions). Učesnici COWEB-a dolaze sa devet univerziteta iz sedam zemalja (tri iz Evropske unije i šest iz zemalja Zapadnog Balkana). Ispred Univerziteta u Istočnom Sarajevu, učešće su uzeli nastavnici i studenti sa Ekonomskog fakulteta Brčko i Elektrotehničkog fakulteta Istočno Sarajevo. Predstavnici Ekonomskog fakulteta Brčko su bili dekan prof. dr Srđan Lalić i prodekan za naučno-istraživački rad doc. dr Dejan Tešić, te studenti Elmedina Fazlović i Eldar Bešić. Predstavnici Elektrotehničkog fakulteta Istočno Sarajevo su bili doc. dr Nikola Davidović i asistent Jelena Govedarica.



COWEB ima za cilj da izgradi kapacitete u visokoškolskim ustanovama zapadnog Balkana za međunarodno virtualno zajedničko učenje (VCL) kao inovativni pedagoški pristup u nastavi i učenje, sa fokusom na zajedničko kreiranje virtuelnih prostora za učenje i sadržaja kurseva koji će

unaprijediti vještine i kompetencije 21. vijeka za studente, te se baviti prekograničnom saradnjom među visokoškolskim ustanovama i studentima u regionu Zapadnog Balkana.



Program Ljetne škole je obilovao radionicama koje se odnose na obuku akademskog osoblja s ciljem sticanja znanja o pedagoškim i didaktičkim metodologijama i nastavnim alatima za implementaciju VCL/COIL modula, te edukaciju studenata za sticanje kvalifikacije E-Tutor-a.



Pored radnog dijela Ljetne škole, organizatori sa Tehničkog univerziteta u Drezdenu su se potrudili da učesnicima projekta obezbijede mnoštvo aktivnosti rekreativno-kulturnog karaktera. Učesnici su bili u prilici da uz pratnju vodiča obiđu grad Drezden, posjete Inovacioni centar „SLUB – Maker Space“ i fabriku automobila „Volkswagen“ u Drezdenu, te da uživaju u planinarenju u Saksonskoj Švajcarskoj (Saxon Switzerland).



Rezultati COWEB-a će imati značajan i dugoročan uticaj na ciljane visokoškolske ustanove nakon trajanja projekta i na taj način koristiti društvu uopšte.